

Тараз қаласы аймағын көріктендіру Ережелерін бекіту туралы

Күшін жойған

Жамбыл облысы Тараз қалалық мәслихатының 2010 жылғы 25 маусымдағы N 30 -8 Шешімі. Жамбыл облысы Тараз қаласының Әділет басқармасында 2010 жылғы 03 шілдеде 107 нөмірімен тіркелді. Күші жойылды - Тараз қалалық мәслихатының 2011.06.27 № 5-8 Шешімімен

Ескерту. Күші жойылды - Тараз қалалық мәслихатының 2011.06.27 № 5-8 Шешімімен.

«Әкімшілік құқық бұзушылық туралы» Қазақстан Республикасының 2001 жылғы 30 қаңтардағы Кодексінің 3-бабының 2 тармағына және «Қазақстан Республикасындағы жергілікті мемлекеттік басқару және өзін-өзі басқару туралы» Қазақстан Республикасының 2001 жылғы 23 қаңтардағы Заңының 6-бабы 1 тармағының 8) тармақшасына сәйкес қалалық мәслихат **ШЕШІМ ЕТТІ:**

1. Қоса беріліп отырған Тараз қаласы аймағын көріктендіру Ережелері б е к і т і л с і н .

2. Тараз қалалық мәслихатының «Тараз қаласы аумағында тәртіп бұзғаны үшін әкімшілік жауапкершілікке тарту жөніндегі, қолданылатын міндетті Ережелерді бекіту туралы» 2004 жылғы 6 мамырдағы № 4-6 (Нормативтік құқықтық актілердің мемлекеттік тіркеу тізілімінде № 1372 болып тіркелген, 2004 жылдың 27 мамырында «Жамбыл-Тараз» газетінің № 22 жарияланған), «Тараз қаласы аумағында тәртіп бұзғаны үшін әкімшілік жауапкершілікке тарту жөніндегі, қолданылатын міндетті Ережелерді бекіту туралы» шешіміне толықтырулар енгізу туралы» 2005 жылғы 26 қазандағы № 16-3 (Нормативтік құқықтық актілердің мемлекеттік тіркеу тізілімінде № 6-1-14 болып тіркелген, 2005 жылдың 29 қазандағы «Жамбыл-Тараз» газетінің № 74 жарияланған) ш е ш і м д е р і ж о й ы л с ы н .

3. Осы шешім әділет органдарында мемлекеттік тіркелген күннен бастап күшіне енеді және алғаш ресми жарияланғаннан кейін күнтізбелік он күн өткен соң қ о л д а н ы с қ а е н г і з і л е д і .

Қалалық мәслихат
сессиясының төрайымы

Д. Қожамжарова

Қалалық мәслихат
хатшысы

Ө. Байшығашев

Тараз қаласы аумағын көріктендіру Ережесі

1. Жалпы ережелер

Осы Тараз қаласы аумағын көріктендіру Ережесі (бұдан әрі - Ереже) 2001 жылғы 30 қаңтардағы Қазақстан Республикасының «Әкімшілік құқық бұзушылық туралы» Кодексінің 387-бабына, 2001 жылғы 23 қаңтардағы Қазақстан Республикасының «Қазақстан Республикасындағы жергілікті мемлекеттік басқару және өзін-өзі басқару туралы» Заңының 6-бабының 1 тармағының 8) тармақшасына, Тараз қаласы аумағын көріктендіруді іске асыру және ұйымдастыру тәртібін анықтайтын және басқа нормативтік құқықтық актілерге сәйкес әзірленді.

2. Ережеде қолданылатын негізгі түсініктер

1) уәкілетті орган – Тараз қаласының тұрғын үй–коммуналдық шаруашылық саласындағы қатынастарды реттеуді жүзеге асыратын мемлекеттік орган

2) аумақты көріктендіру - қаланың әкімшілік аумағында адамның қолайлы, жайлы тіршілік етуін қамтамасыз ететін және тұратын ортаны жайлы ететін жұмыстар мен элементтер кешені;

3) инженерлік желілер мен ғимараттар, байланыс - тұрғындар мен кәсіпорындарды жылумен, сумен, электр энергиясымен, байланыспен қамтамасыз ету үшін, сондай-ақ қала аумағынан жер үсті суын жинау және бұру үшін тағайындалған инженерлік көріктендірудің аса маңызды элементтері;

4) жасыл желектер - санитарлық-гигиеналық, экологиялық жағдайларды және көріктендіру мен сәулеттік-ландшафттық безендіру (көгалдар, гүлзарлар, ағаштар, көшеттер) деңгейлерін көтеруді қамтамасыз ететін жоспарлау шешімдерінің элементтері;

5) жер жұмыстары - аумақтарды қазумен, үймелерді жабу, қайтадан жабу, шұңқырларды жасауға байланысты жұмыстар;

6) жер пайдаланушы - қаланың аумағында жер телімі бар жер пайдалануға не болмаса жеке меншікке құқықты заңды немесе жеке тұлға;

7) үй иесі - жеке меншікте үй құрылысы немесе оның бөлігі (еншісі) бар заңды немесе жеке тұлға;

8) бөлінген аумақ - жергілікті атқарушы органдардың шешімдеріне сәйкес жер иеленушіге объектілерді орналастыру үшін меншікке немесе пайдалануға берілген жер телімі;

9) пайдалы сипаттағы ғимараттар - күркелер, павильондар, дүңгіршектер, сауда арбалары, орындықтар, урналар, көше, үй және жарнама белгілері, пошта ж а ш і к т е р і ;

10) қоғамдық орындар - қоғам пайдаланылатын демалатын аймақтар және объектілер (саябақтар, жағажайлар, скверлер, алаңдар, көлік аялдамалары);

11) көше - жол бөліктері, аяқжолдар, жасыл желектер, жер асты және жер үсті инженерлік желілер орналасқан аумақ;

12) автотұрақ – уәкілетті органмен жобалық-сметалық құжаттаманың негізінде ұйымдастырылған және автомобиль көліктерін орналастыру үшін та ғ а й ы н д а л ғ а н а у м а қ ;

13) санитарлық тазалау – қалдықтарды жинау, шығару, зиянсыз ету, жою ж ә н е к ө м у ж ү й е с і ;

14) қатты тұрмыстық қалдықтар - бұл пәтерлердегі ағымдағы жөндеуден қалған қалдықтарды қоса алғандағы, тұрғын үй мен қоғамдық ғимараттардың жанында жиналған тұрмыстық қоқыс, жергілікті жылыту кезінде жылытқыш құрылғылардан шыққан қалдықтар, үй керек-жарақтарының ірі заттары;

15) сұйық тұрмыстық қалдықтар - канализацияландырылмаған үй-жайлардың қ а л д ы қ т а р ы ;

16) қалдықтарды жинау - олардың жиналуы белгіленген жерлерден жиналған қалдықтарды қабылдау жөніндегі кәсіпорындардың қызметі;

17) қалдықтарды шығару - белгіленген жерлерге қалдықтарды (қоқысты ауыстырып тиейтін орындарға, қоқысты қайта өңдейтін зауыттарға, полигондарға) тасымалдап шығару.

2. Қала аумағын тазалау

3. Жеке тұрғын үй, шаруашылық субъектілерінің иелері және құрылыс иелері мен оны пайдаланушылар меншіктегі аумаққа қатысты периметр бойынша ал, уәкілетті орган жалпы пайдаланудағы орындарды (аумақ), шекара төңірегіндегі объектілер, оның ішінде санитарлық қорғайтын аймақ аумағын тазалау және ұ с т а у д ы і с к е а с ы р а д ы .

4. Аумақты тазалау және ұстауға мына жұмыстар кіреді:

1) жаяужолдарды тазалау, суару және топырақ себу;

2) қар мен қоқыстарды шығару;

3) бөлінген аумақ шекарасында суағарлар мен кәріздерді тазалау.

5. Темір жолдар, көпірлер, құламалар, үймелер, өткелдер, темір жолдардан өтетін өткелдер, оқшаулану аймағының шегіндегі аумақтар темір жол ұйымдарымен және осы ғимараттарды іске қосатын өту жолдарының иеленушілерімен та з а л а н а д ы .

6. Барлық қиратылатын не болмаса бөлшектенетін құрылымдар мен ғимараттардың қоршалынуы, іргелес аумақ иеленушілерімен және пайданушыларымен тазалануы тиіс. Құрылымды бөлшектегеннен немесе қиратқаннан кейін құрылыс қалдықтары қоқыс жинауға арналған қалалық алаңшаға шығарылады, ал телім рекультивациялауға жатқызылады.

7. Балалар алаңшасын тазалау және тұрғын үй құрылысы аумағынан жапырақтарды шығару, құзыреті бойынша тұрғын үй жататын кондоминиум объектісінің басқару органымен іске асырылады. Тұрғын үй құрылысы аумағында, скверлер мен саябақтарда жапырақтарды жағуға болмайды.

8. Жалпы пайдаланудағы жерлерде орналасқан квартал іші аумағының санитарлық тазалығын тұрғын үй-коммуналдық шаруашылық саласындағы уәкілетті орган қамтамасыз етеді.

9. Барлық алаңдарда және көшелерде, бақтарда, саябақтарда, вокзалдарда, базарларда, қалалық көлік аялдамаларында, әуежайда және басқа қоғамдық орындарда, жандандырылған көшелерде бір-бірінен 40 метрден көп емес, аз адам жүретін көшелерде - 100 метр қашықтықта, қалалық көлік аялдамалары орындарында, сауда орындарында 2-ден аз емес сауыттар жеткілікті түрде орнатылуы тиіс.

9 - 1 . Қ а л а н ы ң а у м а ғы н д а :

1) көшенің жүру және жүргінші жолдарын, құрылыстан тыс аймақтарды, жасыл желекті аймақтарды және басқа да көпшілік орындарын қоқыстың кез келген түрімен (қағазбен, бөтелкелермен, шылым ұштығымен), тұрмыстық қалдықтармен л а с т а у ға ;

2) жарнамаларды, афишаларды, хабарламаларды, жарнамалық плакаттарды, үндеу хаттарды және сол сияқтыларды белгіленбеген жерлерде орналастыруға рұқсат етілмейді.

Ескерту. 1-тармаққа өзгерту енгізілді - Тараз қалалық мәслихатының 2011.12.14 № 45-6 шешімімен.

3. Қоқыстар мен қатты тұрмыстық қалдықтарды жинау және шығару

10. Қоқыстар мен қалдықтарды жинау үшін контейнерлерді орнату мамандандырылған кәсіпорындармен іске асырылады.

11. Контейнерлерді орналастыратын алаңдарда су өтпейтін қатты жабынды және кірме жолдары болу керек, контейнерлер әрқашан жарамды тұзу жағдайларда, қақпақтары және боялған, қоқыс жинайтын машиналарға қолайлы кіру есебімен 1,5-1,8 метрден кем емес 3 жақты керең қоршау болуы тиіс.

12. Контейнерлер саны контейнерлерді пайдаланатын тұрғындар санын, қалдықтарды жинау нормаларын, олардың сақталу мерзімін есептеуден

а н ы қ т а л а д ы .

13. Бөлінген аумақтарда қоқыс жинау контейнерлері мен қоқыс жинау алаңдарын ұстауды жер пайдаланушылар, ал жалпы пайдалану жерлерінде қоқыстарды шығару жөніндегі мамандандырылған кәсіпорындар іске асырады.

14. Қатты тұрмыстық қалдықтарды жинау және жою жүйесі қалдықтардың жинақтау-объектілер аумақтарынан әрқашан мынадай кезеңділікпен шығаруды қ а р а с т ы р у ы қ а ж е т :

- 1) тұрғын үй алқаптары үшін - контейнерлерде қоқыс пен қатты тұрмыстық қалдықтардың жиналуына жол бермейтін үй иелері не болмаса пәтер меншік иеленушілер кооперативімен белгіленген кестеге сәйкес, бірақ үш күнге бір реттен кем емес, ал жылы мезгілде (15 градус нөлден жоғары) - күн сайын;
- 2) қоғамдық және мәдени мақсаттағы нысандар үшін - қажеттілігі бойынша, бірақ аптасына 2 реттен кем емес;
- 3) ірі көлемді қатты қалдықтар үшін - өтінім бойынша.

15. Контейнерлер мен контейнерлерді орналастыру алаңдарын ұстау кондоминиум объектісінің басқару органымен, ғимарат иелерімен немесе келісім бойынша басқа мекемелермен іске асырылады.

16. Қоқыс жәшіктерін, қоқыс жинау бақтарын, контейнерлерді дезинфекциялау санитарлық Ережелер мен нормаларға сәйкес мамандандырылған кәсіпорынмен іске асырылады.

17. Қоқыстарды және тұрмыстық қалдықтарды тазалау:

- 1) тұрғын үй, ұйымдар, мекемелер мен кәсіпорындар аумақтарынан қоқыс жоюды у а қ ы т ы н д а і с к е а с ы р у ;
- 2) әрбір мамандандырылған машинаға қозғалыс кестесімен бағдар кестесін қ ұ р а с т ы р у ;
- 3) пайдалану жағдайларының өзгеруіне сәйкес бағдар кестелерін түзету;
- 4) бекітілген бағдар кестелерінің міндетті орындалуын қамтамасыз ету;
- 5) жеке меншік тұрғын үй құрылысын салу аудандарында қатты тұрмыстық қалдықтардан аптасына екі реттен кем емес жоспарлы-реттік тазалау жүйесін іске асыру арқылы қамтамасыз етіледі.

4. Қысқы жағдайларда аумақтарды тазалау және ұстау

18. Қарды тазалау қар көшкіні басталғаннан бастап үймені болдырмау үшін қар мезгілі аяқталғанға дейін тоқтаусыз жүргізіледі.

19. Қар көшкіні біткеннен кейін, автобус аялдамалары аумақтарынан басқа барлық көшелер мен алаңдардағы жаңа түскен қарды біліктер мен үйінділерге қалауға одан кейін тез арада белгіленген жерлерге шығаруға рұқсат етіледі.

20. Қар мен мұз бірінші кезекте жол өткізгіштерінен, магистралды

көшелерден және автобус трассаларынан тазаланады және жиналады.

21. Төбелерді қардан тазалау және ернеулерде, төбелерде және су ағызу құбырларында шорларды жою жаяу жүргіншілермен бақытсыз жағдайларды және әуе желілерінің, жарықтандыру аспаптары мен жасыл желектердің бұзылуын болдырмау үшін сақтандыру шараларын, ғимарат пен құрылыстардың иеленушілері және пайдаланушылары жүргізеді.

22. Жинау орындары болмаған жағдайда шатырлардан түсірілген қар дереу шығарылуы қажет.

5. Көшелер мен жол ғимараттарын ұстау тәртібі

23. Көшелер, жолдар және жол ғимараттары мемлекеттік меншік болып табылады және жалпы пайдалануға арналған.

24. Көшелерді ластайтын, көлік құралдарымен тасымалданатын жүктер көшелерді ластау мүмкіншілігін болдырмау үшін мұқият жабылу керек.

6. Қала аумағында жол жабындыларының, жаяужолдардың, көгалдардың және қалалық шаруашылықтың басқа элементтерінің бұзылуына байланысты жұмыстарды жүргізу

25. Қала аумағында жол жабындыларын, жаяужолдарын, көгалдарын және қалалық шаруашылықтың басқа элементтерін бұзумен байланысты жер жұмыстарын, немесе басқа жұмыстар уәкілетті орган берген жазбаша рұқсаты болған жағдайда ғана жүргізіледі.

26. Қалпына келтіру, жол жабындысын ашу, көшені, алаңдарды және жалпы пайдаланылатын басқа жерлерді қазу жұмыстарын тоқтатпай жүргізуді талап ететін инженерлік желілердің апаты кезінде жұмыстарды жүргізуге рұқсатты одан әрі ресімдеумен уәкілетті органды, жол полиция органдарына, өртке қарсы қызметтеріне, инженерлік желілердің иелеріне хабарлауы қажет.

27. Қала көшелерінде көлік қозғалысын шектеумен немесе жабумен байланысты жұмыстарды жүргізу кезінде автокөлік қозғалысын жабуға сәйкес рұқсат ресімделеді, ал қоғамдық көлік қозғалысының бағыты өзгерген жағдайда қала тұрғындарына бұқаралық ақпарат құралдары арқылы хабар беру қажет.

28. Қалалық шаруашылық объектілері және құрылыс механизмінің жұмыс аймағы рұқсатнамада көрсетілген жұмыстың аяқталу мерзіміне қарай қалыпты жағдайға келтірілуі тиіс.

29. Жетілдірілген жабындысы бар көшелердегі, алаңдардағы жер асты құрылыстарын өткізу және қайта орнату, мүмкіндігінше жабындыға зиян келтірусіз жабық тәсілмен (тесу) жүргізілуі тиіс.

Өткізудің ашық тәсілі квартал ішінде, көріктендірілмеген көшелерде,

алаңдарда, сондай-ақ жер асты құрылыстарын қайта салу және күрделі жөндеу кезінде жүргізіледі.

30. Жұмыс басталғанға дейін:

1) қазу шекараларында қоршаулар мен ескертетін сәйкес таңбалар мен ақпараттық жайма тақталар орнатылады;

2) жолаушылар жүру жерлерінде өтпелі көпірлері орнатылады және түнгі уақытта қазу телімдерінің жарықтандырылуы қамтамасыз етіледі;

3) нөсер кәріздерінің тоқтаусыз жұмысын қамтамасыз ету шаралары қабылданады;

4) жасыл желектер болған жағдайда олардың сақталуын қамтамасыз ететін керен сауытпен қоршалады;

5) өткелдерді немесе жолаушылар өтетін жолдарды жабу қажет болған жағдайда айналым жолдарды дайындалады және объектілер сәйкес таңбалармен белгіленеді;

6) жұмысты жүргізу қолданыстағы құрылыс және санитарлық нормалар мен ережелерге, сондай-ақ рұқсатнамада көрсетілген жағдайларға сәйкес жүргізіледі;

7) жер асты құдықтарының қақпақтарын, суағызу торлары мен лотоктарын сақтау бойынша шаралар қолданылады.

31. Жұмыс аяқталғаннан кейін:

1) қазылған жерлер қысылмайтын материалмен (күм, ұсақ тас) себіледі;

2) бұзылған жабындылар мен көріктендіру элементтерін қалпына келтіру бойынша шаралар қайтадан топырақпен себу жөніндегі жұмыс аяқталғаннан кейін екі тәуліктен кешіктірілмей шаралар қолданылады;

3) асфальтбетон жабындысын қалпына келтіру және бұзылған көріктендіру элементтерін қалпына келтіру туралы уәкілетті орган және жол полициясы органдарының уәкілдері қатысуымен акт құрастырылады.

32. Жұмыстарды жүргізу шарттарын бұзған, сапасыз қалпына келтірген немесе қалпына келтіру жұмыстарының мерзімдерін бұзған жағдайларда уәкілетті орган жол полиция органдарымен бірлесіп, зиян келтіргені үшін жіберілген бұзушылықтардың жойылуын, шығындардың төленуін талап етуге, кінәлі тұлғаларға шаралар қабылдауға құқығы бар.

7. Жасыл желектерді ұстау, қорғау және жою

33. Жасыл желектерді қорғау және қайта қалпына келтіруге мыналар жатады:

1) қоқыстарды тазалау, көгалдарды шабу, қырқу және тырнауышпен тарау, қурап қалған жапырақтарды жинау, арамшөптерді отау, бұталарды күзеу;

2) ағаштардың баған қуыстарын жасаумен топырақты қопсыту;

3) барлық вегетация мерзімі ішінде жасыл желектерді суаруды іске асыру;

- 4) бар жасыл қорға ағаштар мен көшеттерді қалпына келтіріп отырғызу;
5) ағаштардың бас жағын кесу, қурап қалған бұтақтарды, жаңа өскен, сынған
б ұ т а қ т а р д ы к е с у ;
6) ескіріп қалған ағаштарды жаңғырту;
7) ауру және қурап қалған ағаштарды жою;
8) көктем мерзімінде қуыстарды жөндеу, жетпеген топырақты себу,
күзгі-қысқы мерзімде отырғызылған ағаштарды суару.

34. Мемлекеттік меншік жерлерінде орналасқан жасыл желектер мен инженерлік құрылымдың аумақтарында тыйым салынады:

- 1) құрылыс материалдарын, топырақты, көмірді, ағаштарды және басқа сусымалы материалдар мен жүктерді жинақтау;
2) көгалдарды, гүлзарларды, баған қуыстарын ластау;
3) көгалдармен жүру, ағаштарға, бұталарға механикалық зиян келтіру;
4) өнеркәсіптік сумен және басқа қалдықтармен жасыл желектер аумақтарын л а с т а у ;
5) бау-бақша құралдары мен жабдықтарына зиян келтіру (орындықтар, урналар, қоршаулар мен көгал шарбақтары);
6) автомобильдер құралдарын қоятын жерлер мен тұрақтарды орнатуды ұ й ы м д а с т ы р у ;
7) от жағу, басқа өртке қарсы ережелерді бұзу;
8) мал жаю, құм, топырақ өндіру;
9) өз еркімен ағаштар мен бұталы көшеттерді кесу;
10) жасыл желектерге зиянды келтіруді тоқтататын жабдықтармен қамтамасыз етілмеген жаңа және қайта салынатын кәсіпорындарды, цехтарды, агрегаттарды және басқа объектілерді іске қосуға енгізу;
11) өз еркімен қоршауларды орнату.

35. Жасыл желектерді сақтау мүмкіншілігі болмаған жағдайда оларды кесуге уәкілетті органдардан рұқсат алуы тиіс.

36. Жасыл желектерді жою кезінде мынадай жағдайлар ескеріледі:

- 1) жасыл қор объектілерінің шаң қорғайтын, жел қорғайтын, газға бекемді және фитоницидті сапалары;
2) негізгі биометриалық көрсеткіштер: өсімдіктердің жасы, бойы, бағана диаметрі, олардың үстіңгі жағының кеңдігі мен қалыңдығы;
3) қалалық объектілердің сәнді және эстетикалық безендіруге ықпалы;
4) олардың сауықтыру ықпалы.

37. Жасыл желектерді жоюға рұқсатты алған жағдайда тапсырыс (өтініш) беруші жұмыс жүргізген жағдайда қалалық бюджетке келесіні төлейді:

- 1) сәйкес лицензиясы бар тәуелсіз бағалаушымен белгіленетін, жойылған жасыл желіктердің бағаланған құнын;

2) осы жұмыс түрін атқаратын ұйымдармен белгіленетін, жаңа жасыл ағаштарды отырғызу және оларды бір жыл мерзімінде күтудің бағаланған құнын.

Инженерлік коммуникациялардың қорғау аймақтарының шекараларында орналасқан жасыл желектерді және мектепке дейінгі және мектеп аумағында өсетін жасыл желектерді ескермеген жағдайда.

38. Адамдардың жаппай жиналуымен байланысты қала аумағында жаппай мерекелік іс-шараларды өткізген кезде ұйымдастырушымен көгалдандыру объектілері, сондай-ақ көгалдар мен гүлзарларды сақталуын қамтамасыз ету бойынша жауапты тұлға белгіленеді, осы туралы уәкілетті органға хабарланады.

8. Сыртқы жарықтандыру қондырғыларын және электр желілерін ұстау

39. Қала аумағын жарықтандыру сыртқы жарықтандыру қондырғыларымен (бұдан әрі - СЖҚ) қамтамасыз етіледі, оларға жататындар:

- 1) электржабдықтау құрылғылары, үйлестіру желілері;
- 2) электр желілерін жерге қосу және қорғау құрылғылары;
- 3) басқару құрылғылары;
- 4) кронштейн, арқан аспалар тіректері.

40. СЖҚ ұстауға және қызмет көрсетуге мынадай іс-шаралар кіреді:

1) жарықтандыру деңгейін өлшеуді қоса мөлшерлік және сапалық көрсеткіштер тапсырылған талаптарға сәйкес келетін СЖҚ дұрыс техникалық жағдайда ұстау;

2) СЖҚ жұмысының реттік тәртібін қамтамасыз ету, кесте бойынша уақытында сөндірілуін және қосылуын бақылау.

41. Темір тіректер, кронштейндер және СЖҚ басқа элементтері жабындының жағдайына қарап, 3 жылда бір реттен кем емес боялады.

9. Инженерлік желілерді, ғимараттар мен коммуникацияларды ұстау

42. Инженерлік желілер мен ғимараттар техникалық түзу қалыпта, олармен байланысты көріктендіру элементтерін бұзбайтын жағдайда болуы қажет. Көріктендіру элементтерін бұзуға жататындар:

- 1) аумақтың су басы;
- 2) бөлінген және қорғалатын аймақтардың антисанитарлық жағдайы;
- 3) люк қақпақтарының, құдықтар мен камера жабындыларының, нөсер кәріздері мен тартпа торларының дұрыс жағдайда болмауы;
- 4) монтаждау, қайта жабу және пайдалану ережеларын сақтамау салдарынан бұзылатын жер асты желілерінің үстіндегі қатты және топырақ жабындысының бұзылуы.

43. Жер асты коммуникацияларын салу, күрделі жөндеу немесе қайта салу

автомобиль жолдарын, алаңдарды және жалпы пайдаланатын басқа орындарды қайта салу басталғанға дейін жүргізілуі тиіс.

44. Бөлінген аумақ шекарасында мұздан (қысқы мерзімде) және қоқыстардан аумақтарды тазалауды, су алу колонкаларына жақынды жерлерді ұстауды, сондай-ақ су ағынын құруды аула сыртындағы су алу колонкаларының иесі жүргізеді.

10. Тұрғын үй қоры объектілерін көріктендіру

45. Тұрғын үй қоры объектілерін көріктендіру келесіні қамтиды:

1) ғимараттарды, шаруашылық және тұрмыстық салымдар мен құрылымдарды техникалық түзу жағдайда күту;

2) сыртқы келбеті (қасбеттер) сәулеттік және қала құрылысы нормаларына сәйкес болуы;

3) ғимараттардың ішінде және кіре берісінде көше шырақтарының, үйдің нөмірі мен көшенің (тұйық көшелердің) атау көрсеткіштерінің, бекітілген нормалар мен стандарттарға сәйкес өрт гидрантының флуоресценттік көрсеткіштерінің, қоқыстарды жинауға арналған урналар мен орындықтардың болуы;

4) көп пәтерлі үйлердің кіреберістерінің есіктерінде пәтерлердің нөмірлері бар тақталардың болуы;

5) кіреберістердің кіретін есіктерінің дұрыс жағдайда болуы;

6) сәулет және қала құрылысы органдарымен келісілген жоба бойынша жасыл желектерді отырғызу;

7) шөп-шалаң өсімдіктерді уақытында жою, қысқы мезгілде мұзды белгіленген аумақта жинақтау;

8) балкондарды, лоджийлерді, мансардаларды өртке қарсы және санитарлық қауіпсіздік нормаларына сәйкес ұстау.

11. Автотұрақтарды, базарларды, жағажайлар мен сауда және қоғамдық қоректенудің уақытша объектілерін күту

46. Автотұрақтарды және уақытша объектілерді жинақтау, көріктендіру экологиялық, санитарлық, өртке қарсы және қала құрылысы заңнамасы талаптарына сәйкес жүргізіледі.

47. Шомылуға арналған жерлерде машиналарды, көйлек-көншектерді жуу, жануарлардың, иттер мен мысықтардың серуендеуі рұқсат етілмейді.

12. Осы Ережені бұзғаны үшін жауапкершілік

48. Осы Ереже талаптарын бұзғаны үшін 2001 жылғы 30 қаңтардағы Қазақстан Республикасының "Әкімшілік құқық бұзушылық туралы" Кодексінің 387-бабына сәйкес жауапкершілікке тартылады.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК